

Авсн даалгъвран күүцэхд күүч-көлсчирин күүчн-чидлинъ аксхмн

Приозерн районы партийн организацин коммунисттер болн цуг күүч-көлсчир КПСС-н XXI хургин болн КПСС-н ЦК-н Пленумсин шийдвэрмүдиг күүцэхин төлө ноолдад, районы эдл-ахуг делгрүүлхд болн культурн тосхлгд темдгтэ күүцэнгүүс бэрв. Районы совхозмудт малин то бөв, малас авдг эдл-уш икдв. Хөд бөклгээр зура 101.2 процент күүцэгдв. Малин эдл-уш государствд оруулж өглгнэ 9 сара зура махар 142 процент, бндгэр 170 процент күүцэгдв.

Район партийн организацд партин дотр-дундин көдлмш чигн ясрв, идеологическ, коммунистическ сургьмдж күүч-көлсчирт өглгннд онг тусхагддэ йовв, культурн болн гегангерлин учрежденьсин көдлмш урдкасн өргдэж, профсоюзн, комсомольск болн ойна нань чигн организацс көдлмшинь кемджэгнн бөдлүүлцхэв.

Деер заагдсн төрмүдэр шидр болсн район партийн конференцд өргн күүндвр болв. КПСС-н райкомин тооцана доклад кесн партин райкомин селгэтр үр Леджинов болн тооцаггар босдэж үг келцхэсн делегатнр, районы күүч-көлсчир партин XXI хургин туджлгч шийдвэрмүдэр омгшлгэ кедж, политическ болн производственн ик өргмдэйтэгээр көдлцэхэд долан жилин зуран түрүн жилднн күүцэнгүүс бэрдэж йовхинь заадж келцхэв. Районд нүүрлэгчирин зерглэнь бөв, малчирин дунд көдлмшэри нерэн турлагсн үкрч үр В. Очиров, хөбч үр М. Бадмаев, үкрч үр Дадыров, хөбч үр О. Г. Босхомджиев нань чигн кесг улс йовна. Нүүрлэгч совхозмуд оругьян бөскдэж йовна, теднэ тоод «Сарпа» совхоз ода 2 сай арслнэг ору авсн бэйна.

Район партийн организацин көдлмшин күүцэнгүүсн тускар келсн деерэн докладчик болн күүндврт орлсн улс оньчта оньган тэвдэж дуту-дундиг, эндүсиг, илткдэж, хагьлгдэдг төрмүдиг заалж келцхэв. Малин совхозмудин эдл-аху районы экономикн голлгчн. Тегэд совхозмудин көдлмш, мал бөклгнэ туск төрмүд, эн халхар долан жилин зураггар батлгдсн болн даалгъвран авдсн малин тоогнн бөскх, малин эдл-ушинь икдүүлх, делегатирин түрүн килмдэд тусгдэж келгдв.

Район букулдэн малин эдл-уш икдүүлгээр авсн даалгъвран күүцэлгннд хашнэг йовна. Ноосар болхла жилэ зура 93 процент күүнэгдв, хөн бөлгнэс 5,5 килограмм ноос киргдэж авх даалгъврин орчд 5 килограмм авдв. Жилэ махна зура 75 процент күүцэгдсн йовна. Совхозмудт эн жил малас гару гарлгн ик болв, нег үлү «Сарпа» болн «Приозерный» совхозмудар. Хөд болн үкрмүдт искусствени көг тэвлгннд йоста онг тэвгдэж бэйхш, тегэд мал хусрлгн ик. Вод мал бөклгнэ зура күүцэхин төлөд мал хулдэж авдх болдэ батлгдсн зура районд зуг 39 процент күүцэгдв.

Конференцин гол оньгд тусдэ мал үвлзүүлгнн туск төрмүд күүндгдв. Эн жил мал үвлзүүлгнн бүрдэмдэйтэгээр келгн партийн организацин хамгин даалгъчрта төрмүдин негн бөлдэжана. Районы совхозмудт малин хотар 47 процент теткдсн бэйна.

«Приозерный», «Сухотинский» болн Чкаловин нертэ совхозмуд болхла терүнэс чигн баггар. Районд ода чигн малин хот үвлзэнгүүр зөбгдэж дуусгдэд уга, «Сарпа» совхозд зөбгдх 4500 тонн бөвсн кеср бэйна. Малин хаша-хаац тосхлгнэ зура күүцэлгн, ясвр келгн ик хашнэггар болдэ йовна.

Партийн, советск болн эдл-ахун кадрмудла КПСС-н райкомин кедг көдлмшинь сул болдэжхн конференцд заагдв. Үвлзлгнн өклдэжнэ, болв районд совхозмудар 150 даву хөбчнр болн үкрчнр күүрчэхш. Малчирла райкомин болн өклц партийн организацин кедг көдлмшинь хол тату, тегэд малин көдлмшт кадрмуд батлгдэжэхш, нүүрлэгчирин дамшлт тархалгн сул. Гардврч кадрмудин тускар чигн райкомин көдлмшт ик дуту-дунд бэйна.

Конференцд босдэж үг келсн үр Айтаев, КПСС-н райком кадрмуд хаджгээр көдлмшт тэвдгнн тускар шалгдэж келхлэри, Донской гидг күүн районы потребсоюзин ахлчд орулдсн даруьган чадшго болад көдлмшэсн султхдсн деерэн, хаджгэр гаргэад партин членэс гаргэгдв гидж заав. Кадрмудиг чикэр шүүүдэж авад, көдлмшт тэвдэд батлахд райком оньган өгч йовсн уга, дань-дара уга соляд йовсн үлгүрмүд цөн биш, үлгүрнн жилин туршарт күүч-көлсчирин депутатирин советин күүцэгч комитетин ахлчд 4 күүн сольгдв гидж делегат үр Батыров келв.

«Сухотинский» совхозин өклц партийн организацин селгэтр үр Богаев, партийн организац ода үр Н. С. Хрущевин США-д гинчд одсн тускар өргн цэялгъврин көдлмш кедж йовсн тускар келв. 36 агитатормуд малчнр дунд эн тускар күүндвр кедж, газет умшдэж өгч йовна. Күүч-көлсчнр үр Н. С. Хрущев Америкд одад делкэ төвкнүн дан уга бэйхнн тускар ик куцвртэ көдлмш кесэрнн омгшлгэ авч производственн шин диилвр күүцхн төлө ноолдэж йовна гидж, тер келв. Совхоз государствд ноос орулдэж өглгнэ жилэ зурагган 106 процент күүцэсиг, 100 үкрмүдэс 85 тугьт авсиг заадж келэд, үр Богаев мал үвлзүүлгннд кедгдэх бөлдврт бэйх дуту-дундиг шалгъв.

КПСС-н райком болн районы күүцэгч комитет совхозмудин көдлмшт тодрха гардвр, туста дөнвгэн эс күүрэгдгнн тускар делегат үр Лобачев келв. Чкаловин нертэ совхоз ача зөбх өлгэр икэр түрнэ, болв маниг машидэр теткх Сарнинск РТС төрүүц нөкдэн күүргхш, энүг райком медсн бийн арднн ордж хагьлх аргннн хэйхш. Совхозмудин экономикиг гүүнэр медж авч, чадмгэа кевэр гардлгэ теткхн төлө КПСС-н райкомин селгэтрмүд сулар зүткдэж йовцхав гидж делегат үр Докучаев шалгдэж келв. Энүнэ орчд райком дегэд олар заседань, совсхань хураггад, тус угаггар одн улс цуглулад йовсн, райкомин бюро болсн цагт совхозмудин директормудиг теднэ төр күүндврт гэвгдг эс тэвгдг болв чигн цугтагннн керг угаггар бас дуудна гидж тер келв.

Районы комсомольск организац эдл-ахун болн культурин делгрлтин төрмүд күүцэлгннд шунмггаггар орлцж йовхнн тускар ВЛКСМ-н райкомин селгэтр үр Шалхаков келв. Комсомольчнр малин төл авлгннд, малд хот бөлдгннд, хөд киргьлгннд, культури болн гегангерлин көдлмш

делгрүүлгннд өргэр орлцна. Эдна чидл-күүчэр 23 минггнн хургнн асргдв, 3 минггнн центнер ноосн киргьгдв. «Сухотинский» совхозин комсомольчнр сул цагт кеср бэйсн 160 тонн буудя субботник кеггэд зөбв. Болв комсомольск организацин көдлмшт ик дуту-дунд чигн бэйна. Энүнэ нег учрнн өклц партийн организацс болн КПСС-н райком сулар гардврар теткгнн гидж келх кергтэ. Комсомолнн зерглэн сулар бөсдэжнэ, малин көдлмшт йовх комсомольчирин тонь багь, комсомолнн дотр-дундин көдлмшнн сул. «Сарпа» совхозин өклц комсомольск организац джилин өргдд хург хойр дакдэж кедж, нег чигн күү шинэс комсомолд орулдэж авсн юмн уга. Энүг парторганизацин селгэтр үр Батыров медж бэйсн уга болхнй? КПСС-н райком бийн комсомолнн көдлмшт сулар дөнвгэн күүргнэ. Райкомин селгэтрмүд үүрмүд Кокшуннов, Варбачкова болн Леджинов джилин туршарт нег дакдэж чигн ВЛКСМ-н райкомин пленумсин болн конференцин көдлмшт орлсн уга гидж үр Шалхаков шалгдэж келв.

Районд эрүл-менд харлгнэ учреждснн, школмудин, культурн болн гегангерлин, залгьлдана болн гүүлгнэ көдлмшт бэйх дуту-дундин, энүнд райкомин онг баггар тэвгдэж йовсн тускар кесг делегатнр келцхэв. Үр Эрдниев, «Приозерный» совхозд гурен жилин туршарт школ болн больниц тосхгдэж дуусгдлго бэйна гидж келв. Районы центрт ода чигн бийнн уггадг гер уга, телефон, радио, электричеств фермст орулхнн гидж авсн даалгъвр күүцэгддэхш гидж үр Айтаев келв. Чкаловин нертэ совхозин 4-ч фермд телефон эвдрэд кесг болв, районы залгьлдана контор яхнн тускиг төрүүц ухандан авхш гидж үр Лобачев келв.

Конференц деер партийн-политическ болн партийн бүрдэмджин төрмүдэр делегатнр Батыров, Богаев, Чурюмов нань чигн келцхэв. Эдн идеологическ көдлмш ярсинь, партийн сургьуль бүрдэлгнн урдкас бүрдэмдэйтэгээр өклсннн заадж келэд, райком эн көдлмшиг ода чигн сулар гардна гидж шалгьцхав.

Конференцин көдлмшт КПСС-н таньгчнн комитетин селгэтр үр В. В. Чехлов орлцв.

Тооцана докладар ут-турштан 17 күүн босдэж үг келв. Конференц райкомин тооцаггар шийдвр авад, шин райком суньгъв. КПСС-н райкомин бүрдэмджин пленум болснд КПСС-н райкомин негдгч селгэтрт үр И. Г. Гецелев, хойрдгчд — үр Ловоров, селгэтрт — үр Леджинов суньгьгдв.

Е. ДОНСКОВ,

Райкомин пропагандист.